



C u n t e g n

I. Determinaziuns generalas	3
Art. 1 Validitad ed intent	3
Art. 2 Egalitad dallas schlatteinas	3
II. Sustegn finanziel communal	3
Art. 3 Dretg da prestaziuns	3
Art. 4 Indrezs solars	3
Art. 5 Ulteriurs implonts	4
Art. 6 Ulteriurs projects d'energia regenerabla	4
Art. 7 Mieds legals	4
III. Determinaziuns finalas	4
Art. 8 Approbaziun e vigur	4

Sebasond sin art. 1 al. 3 dalla lescha d'energia dil cantun Grischun (DG 820.200) ed art. 64 al. 1 dalla constituziun communal (DC 010.000) relai la vischnaunca da Sumvitg las suandontas prescripziuns:

I. Determinaziuns generalas

Art. 1 Validitad ed intent

¹ Igl intent da questa lescha ei da promover la producziun d'energia regenerabla cun sustegn finanziel vid implonts novs en vischnaunca da Sumvitg.

² Questa lescha regla las cundiziuns per saver profitar d'in sustegn finanziel dalla vischnaunca Sumvitg tier la realisaziun d'implonts per la producziun d'energia regenerabla.

Art. 2 Egalitad dallas schlatteinas

Las indicaziuns davart personas, funcziuns e professiuns en questa lescha serefereschan ad omisduas schlatteinas.

II. Sustegn finanziel communal

Art. 3 Dretg da prestaziuns

¹ La vischnaunca separticipescha vid ils cuosts per la construcziun sco era l'installaziun d'implonts che produceschan energia regenerabla cun ina contribuziun unica.

² Dretg da questa contribuziun han personas naturalas sco era personas giuridicas cun sedia ella vischnaunca da Sumvitg che realiseschan implonts sin territori dalla vischnaunca da Sumvitg e che vegnan susteni da PRONOVO cun contribuziuns finanzialas.

Art. 4 Indrezs solars

¹ L'installaziun d'in indrez solar vegn sustenius dalla vischnaunca cun ina contribuziun unica denter frs. 50.-- e frs. 300.-- per kilowatt-peak (kWp). La contribuziun maximala per project munta denter frs. 5'000.-- e frs. 10'000.--.

² La fixaziun dalla contribuziun per kilowatt-peak (kWp) resp. dalla summa maximala tenor al. 1 succeda annualmein entras la suprastanza communal.

³ Il sustegn sebasia sin l'indicaziun da kilowatt-peak (kWp) tenor mussament da pagament da PRONOVO.

⁴ Il mussament da pagament da PRONOVO sto vegnir inoltraus cul formular d'annunzia uffical communal enteifer treis meins all'administraziun communal. Ei vala il datum dil mussament da pagament da PRONOVO.

⁵ La contribuziun da promoziun disponida dall'administraziun communal vegn pagada enteifer 30 dis.

Art. 5 Ulteriurs implonts

Las contribuziuns vid ulteriurs implonts che vegnan susteni da PRONOVO e las cundiziuns corrispundentas vegnan fixadas dalla suprastanza communal sin damonda. Il sustegn finanziar duei tier tals implonts corrispunder cun il sustegn vid indrezs solars.

Art. 6 Ulteriurs projects d'energia regenerabla

La suprastanza communal sa tier projects en favur dall'energia regenerabla ni implonts da gronda muntada per il generalester sin damonda conceder contribuziuns extraordinarias ni emprests. Las cundiziuns vegnan en tals cass fixadas dalla suprastanza communal.

Art. 7 Mieds legals

¹ Protestas encunter la fixaziun dalla contribuziun da promoziun dall'administraziun communal ein d'inoltrar a scret e motivadas enteifer 20 dis alla suprastanza communal.

² Encunter conclus e disposiziuns dalla suprastanza communal sa vegnir recurriu enteifer 30 dis alla Dertgira administrativa dil cantun Grischun.

III. Determinaziuns finalas

Art. 8 Approbaziun e vigur

¹ Questa lescha ei vegnida approvada entras la radunonza communal dils 12 da zercladur 2024 e passa ils 1 da fenadur 2024 en vigur.

² La vigur da questa lescha ei terminada entochen ils 31 da december 2030. Ella sa vegnir prolunghida entras la suprastanza communal per maximalmein dus onns.

Il president communal

sig. Patrick Schaniel

Il canzlist communal

sig. Fabian Collenberg